

裨農最要

裨農最要序

裨農最要三卷吾友宛溪陳君之所作也君家世清貧力於農事耕耘之暇兼及蠶桑十餘年來舍硯田銳志於斯頗收其效蓋駸駸乎俾小康矣里人相與慕之知必非鹵莽從事者時進而叩所以君既不憚詳說而益慨然思有以公之於人於是舉生平所心得而行之獲效者酌古準今條分縷晰殫歲月之力輯爲是編其用意甚勤其宅心甚厚其立法平正而周慎其持論剴切而明通今年秋出以示予予受而卒讀之乃不禁重有感也士君子不得志於時偃蹇窮廬舉世莫知上下既寡所交教養又非所事

縱抱杜陵廣廈之願亦每以儒生坐論無裨生靈而君顧軫念民艱欲溥其利惟恐不能家諭戶曉不得已筆之於書其諸立人達人有翕於聖門求仁之旨與抑先天下之憂而憂若范文正公爲秀才時卽以天下爲己任者與矧今世路艱虞民財告匱戶之餘三之積人思緩二之征使非亟求善策廣營生計是自困也其在詩曰十畝之間桑者閑閑十畝之外桑者泄泄說者曰賢者不樂仕於朝而思與其友歸於農圃以吾觀之爲是詩者豈第高蹈遠引儉德避難已哉蓋亦自食其力以長育子孫世世爲奉公循理之良民伐檀詩人之流亞也予與陳君生既同鄉性

復相近讀其書不禁怦怦心動焉南山之南北山之北有
先人之敝廬在行當辭塵離滓呼黃犢招白雲以樹以畜
以耕以稼饘粥出其中 王稅出其中使鄉鄰有識者曰
此清白吏子孫數傳而後猶有勤耕桑者亦云幸矣則陳
君是編予當終身佩之且令子若孫世寶之時

光緒丁酉孟冬三臺星日鄉人王龍勳醵庵甫識於潼川
草堂書院

裨農最要序

丁酉秋予與宛溪棘戰同北宛溪復疊疊以著書爲事旋
出所著裨農最要一書示予參閱讀畢適有客問曰宛溪
少穎敏壯授生徒今閱世益深宜肆力書史作爲文發揮
天地古今之奇以効用 國家整頓當今時務斯乃士之
本願區區蠶桑奚爲者予曰蠶桑乃時務之最方今稼穡
維艱財力虛耗非植桑育蠶以補其闕閤里安恃試觀外
洋諸國囊括中國之利幾欲一網打盡所賴稍稍收回利
權者絲爲尙絲可忽乎哉况吾輩讀書當以治生爲急不
幸墮落窮途一羶羈絆覓館索脩艱苦萬狀誠不如宛溪

別開蹊徑進退綽綽不忒不求何樂如之客曰如子言蠶
桑善矣奈世之育蠶者往往不盛何予曰蠶不盛非蠶之
咎人之育之者不善用其法之咎宛溪善用其法獲厚利
者厯有年其所取用皆手試目驗而有心得故收效獨神
彼鹵莽滅裂安能也客曰蠶桑諸法古皆有書宛溪亦讀
古書可也奚別著爲予曰不然我輩作文不能不取古人
之說運古人之說而加以陶鑄使人忘其爲古人之說斯
爲善矣宛溪之書有會萃古人處有參酌古人處有古人
已發而疏通變換處有曲體情理因時制宜處要皆厯試
厯驗獨出手眼並無自誤誤人之弊且勸善惜物別具深

心古書固有未盡言者顧謂宛溪爲勦襲陳言可乎客曰
宛溪既獲利有年曷不祕厥傳以授子孫是編出使人皆
效法後其利將分奈何予曰宛溪之爲人也素坦直未嘗
較錙銖此書之刻意亦在公其利而不欲私耳蘊利生孽
是編已明白言之今苟傳其法於一鄉一邑遠及天下俾
人人羨慕倣倣行見從前虛耗羸弱之氣一舉而變爲富
強世運維持端在於此非僅一身一家之計已也客唯唯
退予因次第是語以弁諸首

光緒二十三年孟冬月同學弟趙用賓龍山甫撰

裨農最要例言

一自古農桑並重衣食攸賴未有務農而不務桑者今人急於農而忽於桑殆謂桑於農有妨爾是編發明栽桑不站農之地灌桑不分農之糞以絲售錢可補糧佃諸費俱有裨農而不妨農之意故名之曰裨農最要

一是編不載占驗不惟厯試不效抑易搖動人心而蓄桑必期於行恕獲利必分以濟人且祀神祈蠶言之再再蓋圖美報貴合天心固作善降祥之理也亦與人爲善之道也

一採輯諸書會萃成編有全錄原文者有摘數句數字而變其文者有用其法而稍變換者有釋其義而深發明者有得之傳聞屢經閱歷而不妨參入者故不能載明出處非掠美也

一言桑自種甚至采葉言蠶自養種至繅絲皆有次第至下蟻詳說逐日頻數逐日體刮並分別各樣蠶種眠期老期非故爲瑣屑實期明白易曉

一種桑養蠶諸法前後各條有互見者有重出者有另用細書夾註者或此詳彼略或彼詳此略皆宜釋其意而明其法閱者慎勿忽略

一接桑飼蠶有古法有而是編未載者皆試之未驗豈地不宜歟抑用之未當歟姑略之

一是編言桑言葉言蠶言繭多載俗語前書實無其名且言蠶處處以人比例意在通俗欲使婦孺皆知一蠶寶物也古人方長不折何況於蠶是編於下連時之首尾蟻落眠時之青頭蠶另置一處飼以劣葉既不費葉兼恤物命重之也

一業農而不栽桑收農之利而未收桑之利栽桑而不飼蠶收桑之利一半而未獲其全飼蠶而不學繅絲其獲利也九分而尙遺去一分業農栽桑飼蠶繅絲

本一套事，未可歧視。然而甯肯貪栽桑，不可貪飼蠶。桑多於蠶，桑賸可賣；蠶多於桑，葉缺難覓。況當農忙之時，到處覓桑，不惟蠶之饑飽不勻，亦且有妨農功。是編言葉之宜量宜備最切，業蠶者慎之。

一或謂編中言法如是之詳，今鄉間愚婦，毫不知法，仍然有成，何也？予應之曰：子不觀乞丐乎？受暑溼，受凍餓，豈無肥壯？然而夭折者多矣。況愚婦成蠶，大都皆慇懃耐勞之人，細心愛護，或受之前代，或得諸傳聞，皆古法也。安得謂毫不知法乎？予如法行之，歷年有成，故敢出以告人，慎勿以予言爲河漢。

裨農最要目錄

卷一

農桑兼資說

蓄桑行恕說

祈蠶翕天說

以人例蠶說

鑿洞儲桑說

牛糞溫蠶說

蠶德

蠶種

蠶色

蠶性

雜忌

禁飼

食料

火料

糝料

蓐料

簇料

切桑砧

布葉篩

蠶網

蠶室

立蠶母

養蠶總要

進火法

勤體法

體蠶法

分蠶法

催眠減葉法

另選未眠法

加魯桑飼法

計日備桑法

卷二

擇種

種甚

插壓傳種

接桑

劈接

皮接

治地

治泥

治糞

乘時

移秧

栽桑

積糞

澆法

培壅

修桑

全砍

去水

治蟲

桑間宜忌

采葉宜量樹

采葉有次第

采葉有時刻

餘桑宜采淨

桑甚可作酒

冬桑宜廣收

卷三

養種

捉種

選繭

選蛾

配蛾

上連

記連

夏浴

冬浴

發連

煖子

治屋

待時

下蟻

分蟻

稱連

停蟻

收連

熟眠

飼蟻

頭眠初起

眠未齊

二眠

頭眠起齊

大眠

二眠起齊

老蠶

大眠起

簇屋宜明通

捉老蠶

布蠶要勻

紫山宜鬆散平穩

山上加山

上山宜及時

戒驚駭

定暗明

置火盆

晾棚

摘繭

別繭

曬繭

蒸繭

炕繭

收繭

煮繭

治繭

抽線

做縣

謝蠶神

婦女宜學繅絲

裨農最要卷一

三臺陳開沚宛溪

農桑兼資說

古者農桑並重。孟子曰：五畝之宅，樹牆下以桑。史記齊魯千畝桑，其人與千戶侯等。張詠治崇陽，令民拔茶植桑。沈瑀令建德，使一丁種十五桑。厯考往籍，確有明徵。今人開墾草萊，務盡地力，而蠶桑則忽諸。殆謂蠶桑有妨於農，而不知實有裨於農也。栽桑之地，亦宜耕種。早年稍遜水澆，尤過之，以桑土乾燥故也。况腴地植桑，鋤去浮根，使桑本深入土面，仍收美稼。瘠地四圍植桑，使桑枝外蔭地，內無

礙嘉種。牆角畦稜道旁。場圃隙地。一一植之。既不站地。尤便看守。此蠶桑之不妨於農也。植桑一株。盛者葉百餘斤。得絲廿兩。易粟一石。次者易粟數斗。又次者亦易粟斗許。或數升。桑渣桑甚。蠶屎飼豬。敵麥豆。嫩枝敗葉粗滓。飼牛馬勝他料。絲水灌蔬。繭絮鬻市。桑幹爲薪。桑皮入藥。無所不宜。且農按畝計稅。而桑無征。或遇旱澇。蠶桑亦可添補糧餉。諸費此蠶桑之有裨於農也。况農終歲勤動。所入有限。倘遇凶荒。顆粒俱無。蠶則男女老幼。皆可爲之。月餘呈功。無水旱之虞。農收粟數十石。必治地數十畝。雇工數人。口食糞資百餘釧。歷數月乃收入。及售出。又須多人荷擔。

百計營謀，乃得錢數百鉏。絲當四五月間，吳越閩番以及外洋，商賈競收，一人負絲千餘兩，便可得錢貳叁百鉏。以此計之，無農之勞而倍農之利，世人何憚而不爲也？自今告我同人，多植一本桑，即可多得數兩。絲多植數十百千本，桑即可多得數十百千萬兩。絲一戶鬻絲二百斤，即小康家矣。由是而富而教，盜賊潛消，風俗純樸，固予之厚望也夫。

蓄桑行恕說

昔聖門之論恕也，曰：己所不欲，勿施於人。吾因蠶桑之利，尤望人以行恕焉。夫絲由蠶吐，蠶因桑成，育蠶者莫不愛

桑而於桑之成敗殫力經營。桑之美惡。細心辨認。恐恐乎。惟慮無以供蠶。不時之需。而又防蠶之誤於嘗試也。其心切矣。乃今之自私自利者。已之桑愛護惟恐不周。而人之桑。或任牛羊踐踏。或縱子弟潛伐。甚且妒其美盛。或拔其根。或盜其葉。如此戕桑。不先自戕其心乎。夫戕桑者。未必無桑而戕心者。身家莫保。則何弗推己及人。而以愛己之心愛人也。至如偷盜之葉。卽爲穢物。飼蠶每多不順。不宜希圖價廉。營謀貪買。不買盜物。盜葉者。自稀。不惟蓄桑者省防守之勞。而鄉鄰亦少爭奪之患矣。若夫桑徑之間。雜有桃桐。臭味差池。不免毒蠶。又有一種劣桑。其形雖同。其

味獨苦如參疑似須用咀嚼他如庖廚之外時有煙熏潤廁之旁不無惡臭均足病蠶斷宜勿用萬一葉缺必經洗濯方可飼之如惡其害已又切勿售人以爲可惜甯飼牛馬此亦推己及人之道也予與人公利非與人論學然而見利思義苟不行恕是多行不義也不義者必有天殃尚何利之能保哉

祈蠶翕天說

先蠶之祀由來已久神祠疊鼓采風者有餘慕焉予家世業蠶其祀蠶神倣吳人張成故事於正月十五夜作白粥泛膏設香帛酒肴依正宅蠶室方祀之下蟻時又命蠶母

率子女於蠶室祀之必潔必虔無所苟己元旦夙興衣冠祀先祖百神默祝曰某承先人餘業肆力蠶桑以事以畜以衣以食願乞稱意得利饒優更分贏餘作諸善舉緩急攸賴人已兩得荷天庥貺保我後昆循是以爲常亦旣歷有明驗矣不敢自祕竊以其說告我同人夫蠶桑之利倍於農天之寶也天不自惜而畀之人人貪其功而專其利是違天也違天不祥蠶神雖靈烏得而福之蠶之字俗作蚕俗讀作蠶謂天虫也虫本虺字育之者人主之者天天心愛人故降天蟲以利人人苟不愛人以順天天豈復佑之乎嘗見育蠶之家累獲厚利奇貨是居謂吾子孫百世之利而不

知存心刻薄不肯爲善。既對於人。必厭於天。災禍之臨。有悖入悖出者矣。今使豐裕之家。計所獲取十之三四。小康之家。計所獲取十之一二。時行方便。拯濟人窮。天必助之。神必相之。其業彌增。其家日大。若夫根基淺薄。僅足自給。而俯仰有資。孝慈兼盡。夫耕妻蠶。作盛世之良民。不至爲盜。羅法是亦自食其力。與人無尤。而爲天心所默佑者也。不此之務。幸而獲利。曰惟己之功。不幸失利。曰惟運之阨。抑知人定勝天。天定亦勝人。固有相在爾室者。而何僅祀與祈之虛文哉。

以人例蠶說

宋書禮志云。皇后視蠶。取民妻六人爲蠶母。夫人有蠶母之名。則蠶卽其子也。以養子之心養蠶。斯養蠶之道得矣。是故善養蠶者。必自養種擇繭始。如人擇婿娶婦。貴氣體充盈。精神旺足。然後易於育子也。浴種如婦人之服安胎藥。所以抑邪扶正也。收種如古人有胎教法。所以制外養中也。媛子待時而伏。日至而生。母欲速。母助長。順天地自然之理。人物有同情也。及蟻出。如兒甫生。畏風寒。喜溫煖。少失調護。後此多病難育。始焉但食液。如兒初食乳。宜薄鋪頻飼。繼焉兼食葉。如兒漸食穀。宜厚鋪減飼。兒有痘疹。兩關蠶亦有起眠。三次人出痘疹。以洩毒氣。乃易長。養蠶

有起眠以蛻皮膚乃能壯大將眠如痘瘰將作胸滿身倦
常思坐臥宜忌風寒節飲食正眠如痘瘰正盛心煩體痛
不思飲食宜適寒煖戒動搖初起如痘瘰初愈氣體漸舒
却畏風邪脾胃雖開猶防凝滯既起如痘瘰既出急須飲
食調劑何妨並進肥甘既已身體康強尤宜屢見風日人
至壯時食愈多而體愈充血氣方剛故戒鬪蠶既大眠葉
愈加而體愈盛精神內斂故宜涼及其老也人則閱世既
久血氣雖衰智慧益出蠶則食葉既多形體雖縮經綸彌
滿其作繭也如君子沒世人雖不見功著兩間而不作繭
之蠶如小人之死身滅而名俱滅矣彼徒食粟者豈獨有

類唐花於簪室。倣上古之穴居。其大小數目。可以不拘。而燥溼溫涼。庶幾適當。蓋其四壁皆潤。風日莫侵。一門緊閉。塵土不入。晨露方乾。採之可存。津液斜日初落。摘之可免。薰蒸葉積。尺許只要。摻鬆通氣。便覺寬舒。日當正中。無須灑水。回潮偏饒。勻潤縱停數日。猶似新翦之枝。取飼眾蠶。何殊旋采之桑。經零雨人皆浩歎。我則蓄之有餘。遇暴風樹盡含沙。此獨出之無恙。是故較棚覆籠。貯而彌佳。比鋪席堆屋而更善矣。若夫采葉當及平時。用命尤資乎眾。微行遵彼宜荷。擔以偕來。居人豈無可聞呼而畢至。或童或壯。以筥以筐。按斤數以給工。貨俾鄰里亦霑。瑣利彼此兩

益人已不勞由是歸置洞中以便取攜之用較之買從市上。不有美惡之殊哉。予夙務耕桑頗諳利弊偶得妙訣不敢自私。雖屬管窺願公同好。試仿而行之。當信予言之不謬也。

牛糞溫蠶說

凡物必識其性之好惡而順以投之。乃可薰蒸煦育而至於成。鯁腥氣也。貓聞之則喜。糞臭氣也。犬聞之則爭。旨酒燥氣也。蜂聞之則聚。敗脯穢氣也。蟻聞之則噉。無他。其性然也。蠶之薰以牛糞亦然。書云。蠶乃氣化。聞香則腐。聞臭則敗。惟牛糞薰之。其性最宜。而世多疑其說。謂牛糞臭不

可用。概以檀香料香。及柏葉有香氣者薰之。及愈薰愈敗。反歸咎於蠶之無可救藥。嗚呼。豈知其救之者乃卽其所。以殺之乎。人性與物不可強同。蠶之喜聞牛氣。猶人之喜聞香氣。今以人之食食蠶。蠶必不食。而奈何以人之聞聞蠶。耶。明乎此。而凡蠶書所載牛溲浴連。固不必疑。卽所謂食鹽石灰浴連。亦可類推矣。

蠶德

蠶有六德。衣被天下。仁也。食其食。死其死。以答主恩。義也。身不辭湯火之厄。忠也。必三眠三起而熟。信也。象物以成繭。色必黃素。智也。蛹而蛾。蛾而卵。卵而蠶。神也。

蠶種

三眠蟄

下連後七日初眠又七日二眠又七
日三眠又五六日或七八日而老四眠蠶後七

四眼

下連後七

日初眠、又四五日二眠、又四五日三眠、又四五日大眠、又或四五日而老、比三眠蠶多一眠、然自下連至老、總計時

日與三眠參差十眠蠶下連後十田初眠七田二眠又七田
亦不甚參差三眠又七入日而老自下連至老總

計時日比三眠體有大小之殊十眠先覺又大於十眠先覺四色

有白烏斑爛之異
 藺有黃有金黃藺
 白有草白藺
 尖圓一頭

頭尖如筆錐形。圓有大蕨有米蕨。俗呼筆杆蕨。有光蕨有毛蕨。之分。種雖不一。以鹽滷。

浴則曰鹹種以石灰水浴則曰灰種以清水浸則曰水種

各有其類不可紊亂業業者宜分別飼養

蠶色

蠶蛋初下色黃次轉青色過五六日轉黑色將出變綠色
又變灰色變灰色則不日即出矣蟻初出色黑三日後漸
變白色又變青色復變白色又變黃色則頭眠矣將眠色
黃頭眠起後微黃色又由黃而白由白而青復由青而白
由白而黃則二眠矣三眠太眠三眠蠶三眠即大眠四眠
亦如之臨老微黃色已老微紅色

蠶性

食而不飲尿而不尿

自初生至老均不尿惟上山做繭時先撒尿耳

聚而不散守

而不走

未老之先有游走者病蠶也既老之後有游走者欲作繭也

喜潔惡穢

蠶聞穢臭則結

摘青白好蠶頃刻變成黃色不食葉三日後輒死故養蠶人身手皆宜潔淨蠶房內不宜放便桶溺壺及一切穢臭

不潔之物喜靜惡喧蠶房內忌哭泣叫喚怒罵忌敲擊門窗棹几及蠶架蠶盤院內忌養鵝喜燥

惡溼傷溼則生白醃黏沙之病醃酒上白也喜陽氣惡陰氣蠶為陰氣所蒸損必多白瘡晴

暖日須開窗喜通風惡迎風不通風則溼鬱不除天氣晴以通陽氣

須捲南窗若對風開窗則傷風傷風者節長口禁又蠶子屋倉卒開門風由門口暗射蠶身謂之賊風後多紅蠶子

在連喜極寒蟻初生喜極暖眠時喜溫頭二眠起後喜暖

大眠以前若受寒冷老時必為殭蠶不作繭大眠起後喜涼四眠蠶三眠後方大眠則三眠起後

仍宜臨老喜漸暖上山喜極暖初生喜暗大時喜明方眠

喜暗眠起喜明初上山喜暗成窠後喜明

雜忌

忌香氣蠶屬氣化香能散氣故聞香氣則焦黃而死凡忌麝檀等香及一切辛香之物皆不可入蠶屋

油腥氣蠶屋內及近蠶屋忌酒醋氣帶酒人不可餞蠶體蠶忌
蔥韭蒜薤薑椒苦蕒氣食蔥韭蒜薤薑等物者不可入蠶
令蠶青爛食苦蕒屋以臭氣自口出也手有苦蕒氣
亦不可入蠶屋忌硫磺煤炭氣忌燒皮毛骨頭忌漆
處勿油忌煙薰不特不可熏柴草煙即將油捻子紙煤子
漆器具忌煙薰在蠶屋內吹滅亦不可吸煙者向蠶吐之
蠶口立忌沾灰塵忌沾燈油無論燭油菜油麻油桐油均
流黃水忌沾灰塵忌沾燈油無論燭油菜油麻油桐油均
蠶食一忌蠅蠅集蠶身則生蛆忌鼠鼠喜食蠶故養蠶忌
口立死宜以竹簾遮門忌鼠家不可無貓也忌
穢語淫詞忌生人及凶服人入蠶屋生人進門及在門外
餽遊走或不食葉凶服人入屋蠶多暴死

禁飼

雨葉大眠以前食之則變褐色生渴病即或不病露葉大眠
老來必成氣水蠶不作繭大眠後則不甚忌

以前食之生病至大眠起後遇天晴無霧可用帶露葉
因露為天酒能補助好蠶使後來繭絲光澤也若病蠶食
之則霧葉子有毒大眠以前食之則老來必成白肚蠶肚
轉死霧葉下有白水流流出沾在好蠶身上好蠶亦死如
遇有霧須將黃沙葉蠶食之肥葉桑近糞池桑甫熟糞
肥皮膚光亮如油漆熱葉則腹結頭大尾焦枯葉全無津
謂之肥青當眠不眠熱葉則腹結頭大尾焦枯葉全無津
喜食食之氣水葉積葉過久所致大眠以烏葉桑樹葉烏
亦必病氣水葉積葉過久所致大眠以烏葉桑樹葉烏
通體變油葉筐內貯葉過於緊實變成苦葉其味苦食
烏而死油葉黑色若有油者蠶多不食苦葉之多青葉而
死雜桃桐葉桑雜桃桐椒椿有氣味等樹根鬚相連枝蘆
花葉桑葉背有蟲如蘆捲耳葉多乾燥蠶毛背葉毛錯多
花樣蠶多不食不喜食毛背葉毛錯多
食雞腳葉葉缺而薄蠶食金葉將葉上有黃斑者其也奄桑
不雞腳葉之便成薄繭金葉將葉上有黃斑者其也奄桑
葉小桑秧未過三年者所生之葉謂之奄桑葉小蠶不可
葉食則生病大眠以後桑葉缺少可用奄桑葉餵之若

桑頃賤另買芽
葉飼可也
飼噍後多無成
養蠶者戒之

食料

桑葉麪秋深葉欲落時趁其未黃即將葉摘下以早採則
大眠後患熱病以此拌菜餉之可解熱毒綠豆粉臘八日
豆浸淫侯微發芽曬乾磨粉亦可釐大眠後拌葉餵之可
以此飼之立愈米粉臘八日淨淘白米曬乾收藏至春

火料

牛糞正月收牛糞做成餅貼牆壁自乾或研炭末和牛糞
擊絕煙氣盛火盆內置於蠶室綯有臭穢近蠶室即燒牛糞餅薰於蠶室外以避之俟其煙盡擡入蠶室使蠶自初

生至老皆聞牛氣則一切避忌之物不聞矣此最驗最美
法也又或以鉢盛牛屎置室四角攪之以助其氣大眠後
不用火以此柴炭青崗炭乾柴絲忌煙薰煮蘭之柴宜早備令極乾
法行之更妙

糝料

糠灰先將稻糠燒焦存性新燒者不可用隔年燒者更好
起一次自初出至三眠每體一次即飯糠灰於盤內每眠
於盤身最能收潮陳石灰新者不可用

蓐料

茅草臘月收茅草鳥糞作糝蓐最佳
以茅草不蒸熱也稻草亦可用

簇料

作簇以鐵掃帚為上竹枝菜子桿次之稻草荅藤又次之
棉花桿青崗柴亦可用糝未老時先將諸料敲拍去其渣

泮曬極乾日未落便收積乾燥處否則回潤壞繭至作簇又曬更妙

切葉砧

砧以稻草爲之芟盡浮葉用篾箍三層緊束高約四寸兩面皆須切平切葉既易斷絲無牽連之弊又不損刀鋒以草柔輒故也較木砧更好若以木爲砧桑木亦好其餘須擇無氣味陳木方可用

布葉篩

編細竹爲篩圓徑八寸高二三寸眼宜疏朗眼可容指俗名胡椒眼篾宜光潤餞小蠶時用此盛切細葉篩於盤內則勻

蠶網

蠶網者擡蠶除沙之網也。為蠶事要具。養蠶諸事皆易。惟

除沙揀蠶甚是勞苦。婦女以手揀蠶。其頭必垂。日久則面

目皆腫。且蠶堆積一處。熱蒸汗出。即

不生。病後亦結薄繭。所以養蠶不能過多。惟用細麻繩織

網。長短闊狹視箔之大小。箔長宜做兩節。眼之疎密視蠶

之大小。頭眼可容雞子大。如蓋網後多餵兩頓葉。擡大蠶網

可擡二。以粗麻繩穿邊四角結圈。以便手提。用豬血塗。接

三眠蠶。以粗麻繩穿邊四角結圈。以便手提。用豬血塗。接

血一盆。以稻草揆開羅篩過之。入水二三盪。緩緩打勻。如

稀糊樣。塗網二三。次曬乾聽用。甚是耐久。若貧家力不能

辦。可購取爛魚網。照蠶盤以二網輪流擡換。待蠶食葉盡

時。蓋網於蠶上。撒葉於網上。蠶即穿網而上。二人執網兩

頭。連蠶擡起。另放一箔。迨飼一晝夜。沙煥厚時。又以一網

蓋蠶上。撒葉擡放。如前。總之一網常在蠶下。共用二

網。輪流替換。如飼一百箔蠶。置一百廿網。即可適用。

蠶室

蠶室坐北向南為上。

以負陰而抱陽也。

坐西向東次之。忌向西北。

北風猛烈傷蠶。西風非長養之氣。西曬尤忌。但人家住屋各有定向。須擇橫廳之乾燥背風而向東南者為蠶室。即

坐向西北勢難改換。惟閉西北門。開東南門。窗俟蠶事畢。仍依原向。亦未嘗不可。

屋宜高廣。則不

免熱。外宜爽朗。

屋前勿留大地。宜潔淨。

不可近廚房。

每間兩

壁去地二尺五寸。

太高則屋黑。暗難辨起眠。

各置亮窗。窗用紙糊。中留

捲紙。以便啟閉。屋頂置亮瓦一二處。每臨旦暮。以助陽明。

易辨起眠。附地宜開風竇。

形如貓洞。

用磚合封。以便啟閉。地下

有地板最好。如無地板。必擇乾燥地。鋪以舊席。

俟蠶大。地

了。席四壁隙穴。以牛糞和田泥預先塗好。

二月上王取土泥。屋四角宜蠶吉。又

塗則乾。暖遲則牆腳以麥糠和泥。兼瓦石塞絕鼠穴。須留

貓洞。屋內宜養貓。鼠喜食蠶。蠶室方忌修造。犯之主是年飼蠶

不利。蠶室方載時憲書年神方位圖。年年運動按圖量宅使知。

立蠶母

蠶母乃主蠶事。率領多人以飼蠶者。凡蠶之飢飽寒熱體

恤。愛護如慈母之育嬰。故有母稱。男女皆可為之。男忌臭穢。女忌

產婦及不潔淨者。衣服必潔淨。每食必盥手。勿飲酒。勿食葱蒜等

一切有氣味之物。蠶以食則氣從口鼻出。勿親身招苦菜。切

薑葱。冲海椒。花胡椒之類。此身衣染惡氣。蠶嗅此氣亦登時生病。勿佩香囊。勿

著顏色衣服。弔孝人及孝家人。勿令入蠶室。凡蠶室一切

事宜均以蠶母為主。熟記其法。隨時留心。按法飼養。如蠶起小老。各有其狀。煖涼明暗。各有自然。宜蠶不必信陰陽。其時切餵分體。各有其術之類。巫師及鄉間愚夫愚婦之言。某命某相不宜蠶。蓋農桑一理。世無不宜。農之男焉有不宜蠶之婦乎。故立蠶母務要慇懃。不躲懶。不貪睡。之人為主。以催眠催老之時。夜間宜起餵。故也。

養蠶總要

蠶有五廣。一桑廣。二人廣。三屋廣。四箔廣。五簇廣。蠶有三稀。下蟻稀。上箔稀。上簇稀。蠶有三光。白光向食。青光厚飼。皮皺為飢黃光以漸住食。蠶有八宜。將眠時宜暗。起以後宜明。蠶小並眠時宜煖。宜暗。蠶大並起時宜明。宜涼。向

食時宜通風

風自架下緩入者乃佳。忌小孔賊風吹入。及倉卒開門。猛風吹入。

宜加葉緊

飼新起時怕風。宜薄葉慢飼。

蠶有十體寒

在連熱下。蟻宜寒。熱宜熱。

飢

眠起飽。宜向食稀。宜布之。密宜下子。眠眠為起。為脫殼。起為起。緊臨眠上。

宜飢飽。宜飽。宜稀。密宜密。眠眠。起為起。緊簇。宜緊。

飼慢

進火法

凡蠶畏冷。然亦不可傷熱。一日內分四時。寅卯辰如春。已

午未如夏。申酉戌如秋。亥子丑如冬。又陰晴風雨。即分寒

熱。須以進退火。盆為調劑。如蠶蟻時。宜極煖。天氣猶寒。以

盆盛牛糞。無烟火。送入蠶室。旁置火鏟一具。多留餘灰。以

便撥覆。火盆不宜大。近宜以席圍其煖氣。使上下四旁溫。

和如一蠶母以身試稍涼卽添火稍煖卽聚灰覆火務令順時蓋蠶火類也宜用火以養之用火養蠶又恐用火傷蠶蠶旣鋪葉餒矣待其循葉而上始進火乃無傷火之患若飢而進火則傷火卽纔鋪葉蠶猶在葉下未能循葉而上此時遂進火則下爲糞蒸上爲葉蔽遂有熱蒸之病又寒不可驟加熱當漸漸進火寒而驟熱則生黃軟等症熱不可驟加涼當漸漸開門熱而驟涼則變白殭諸症此又不可不知也又正熱猛著寒便禁口不食卽盛無煙牛糞火用釵撥火於槌箔下往來避去寒氣則蠶自然食葉

勤體法

初眠以前隔兩日一體初眠以後隔一日一體二眠以後
一日一體若天氣過涼則應隔一日兩日者多隔一日亦
可若天氣過熱定宜如法不可過限不體則桑渣蠶屎堆積太厚溼熱熏蒸無
病者亦必生病後多白殭或身上黃糙或頭上發黑點黑
斑甚有周身生黑點黑斑者一樣吃葉不生絲腸到老必
不作每次將眠之候體刮尤為要緊

體蠶法

蠶食葉已盡用篩篩糠灰於蠶上灰宜薄不宜厚必用後
布葉於灰上則蠶皆脫灰而出俟其既集葉上用蠶筷子
連葉帶蠶輕輕夾出庶免損傷蠶身有未上葉者又布葉
再夾不可輕棄夾小蠶必用蠶筷子亦有用蠶匙挑起者
若蠶稍大用筷子又不若用手之便也

分蘖法

不分則漸長漸大愈大愈擠必有積壓損傷之患且食葉不均必有大小不均眠起不齊所損

分蠶宜快，
箕手不多，
內堆積多，
時蠶不快，
身出則。

汗後必損耗縱有移蠶宜輕將來上山必多赤蛹或多癩

不得食必至繞盤遊走進退蠶箔宜慢
不得食則強者得食弱者架在

倘拖出太速，蠶必外厚內薄，放進太速，蠶必內厚外薄，不惟食葉不均，且使蠶受驚恐，又蠶架不可移動，敲響並蠶室入停什物，亦不得移動，恐觸犯蠶神故也。

催眠減葉法

已眠者色黃、抽減已眠者之葉、不
未眠者色白、

覆壓專飼未眠之蠶細切薄篩頻飼以督其眠如十分中有三分黃光則是眠者三分未眠者七分卽十分中抽減三分葉而以七分葉較前切稍細篩稍薄頓數亦稍頻以飼未眠之蠶而速其眠如十分中有五分黃光則是眠者五分未眠者五分卽十分中抽減五分葉以五分葉較前又細切薄篩頓數更加頻以飼未眠之蠶而速其眠六七八九分準此俟十分眠盡方可住食

另選未眠法

蠶若眠齊起齊自然省功省葉堅繭多絲或有眠起不齊者如純黃之中有由白而向黃者是與純黃不相遠頻飼

以督之猶可相及。如已見純黃又多青白，則與純黃甚遠。飼雖頻亦不能及。且蠶眠一晝夜以安靜不擾爲得所眠。乃脫殼之候也。身硬皮緊，色黃青縮不食不動。如人之大病，周身血氣爲之變換，只宜靜睡不可驚動。擾亂以青白者，尙多飼而亂之動而蹂之，則先眠者失所矣。迨青白未眠者變而欲眠，則前之眠者已起。因後者之方眠而停起者之食起者，既不堪其饑。如病人新愈欲漸進食以補血氣饑則受傷因前者已起而不停起者之食眠者，又不堪其擾。如病人動擾亂則身心不安，身多病少。絲實由於此。古云蠶起不心不安，則病流連難起。齊絲減少宜於純黃之中見有青白者，隨卽選去，另置他器，仍頻飼以督其眠。其餘眠者置之靜室以俟其起，則眠與未眠兩

不相妨。每眠俱如此。否則費葉損蠶。

加魯桑飼法

魯桑宜飼大蠶。然素食荊葉。突加魯葉。蠶多傷食。禁口而

病。

魯桑汁濃。突多食。則漿凝。氣結而死。

宜荊魯間飼。

如初加魯桑。宜二頓荊。一頓魯。次宜一頓荊。一

頓魯。後可純用魯桑。亦有每眠起後。飼魯桑一頓者。

計日備桑法

食葉之疾徐。不盡關乎寒熱。新起時。食不甚疾。將眠將老時。亦不甚疾。不可多備葉。恐蠶食不及。以致久停焦枯。或

生氣水不堪爲用也。其最疾者。中間之兩三日。

卽催眠催老之時。

急宜多備葉。恐食不足以至。黑夜清晨。雨中烈日。摘葉不

及使蠶受餓也

裨農最要卷一終

裨農最要

卷一

裨農最要卷二

三臺陳開沚宛溪述

擇種

飼蠶必先植桑。植桑必先擇種。然種類雖多。不過荆桑。

俗呼

油桑

魯桑

俗呼盤桑

盡之。荆桑多甚。葉薄而尖。邊有鋸齒。較魯

桑畧早。宜飼小蠶。樹亦耐久。然不如魯桑之茂。宜以魯桑

條接之。則樹耐久而葉又厚大也。魯桑少甚。無甚者更佳。

葉圓厚。

亦有長而厚者。俗名柳葉桑。

而多津液。較荆桑稍遲。宜飼大蠶。

再以魯桑條接之。則葉愈厚而液愈多。

如魯桑美。不接亦可。飼蠶家

宜荆少。魯多。

一分荆桑。二分魯桑。

至若鷄桑。

葉小如鷄嘴。

花桑。

葉缺數瓣。如花。非開

花之桑，葉粗澀而毛桑，背有毛，子多葉少，飼蠶則成薄繭，此桑之最劣者，宜鋸樹另接魯桑。

種甚

先治地極熟，次以熟糞和土，即乾糞若用水糞，須前一月潑之。擇葉厚大

之魯桑甚，取其老而黑者，剪去兩頭，甚之兩頭子細小，作種必變成鷄桑花桑。

只取中間，置水內搓洗，浮水面者去之，沉水底者漉出，用

水洗以灰和，陰乾，經日曬則子搓散亦可，其生較遲值芒種前後，雨後布種，或以

蠶沙和種更好，遇旱則澆水，令土上以灰糞薄蓋，不宜厚，厚則不

生，當用穀草覆之，遮蔽烈日大雨，俟苗生則去覆草，值烈

日晝覆，桑苗初生質嫩，一著驕夜，使受秧密則芟之，草

陽即死，定要用席遮蓋。

夜廠，露氣。

秧密則芟之。

生則去之、淺則用水澆、深則兼用糞澆、初宜二分糞八分水、繼宜四分糞六分

分半糞半水、後宜至明年二月、用水澆透、連根帶土鋤起、輕輕提、

桑苗勿傷根鬚、有獨根定底、及有蟲傷黑痕者、擇去不用、

其餘好者、剪去桑梢、桑秧直美者、不剪梢亦可、用火焙過、下剪定底直、

根、在土中廂溝、當日空地、豌豆地、本年種棉花、花或栽一

邊、或栽兩邊、一尺一株、用水灌溉、後兼糞澆、既不佔地、又

無牛羊踐踏、且土脈虛鬆、易於長成、俟苗長尺餘、去其旁、

芽、旋長、旋去、一年即長數尺、較以空地、滿植者為良、如苗未至

數尺、冬至後、離地寸許、用利刀砍去、枝稍、薄鋪柔草、縱火

燒之、次日以水和糞澆之、薄蓋塘泥一層、再覆蓋草、來春發苗更茂、只留旺者一條、去其旁芽、亦如前法、又甚熟時、摘黑甚拌食、餵豬、取

糞和土翻極細用篩篩過如前法布種名曰豚桑其葉厚大又取黑蕞和灰搓散陰乾拌以穀殼用櫻包好懸挂當風處至明春布種既不須遮日又易生長

插壓傳種

雨水前後或九十臘正月亦可選已經接過厚大魯桑條砍下或於臘月內砍魯桑條盡頭處用火微微烙過每四五十條草束臥向陽坑內以土厚覆春分前取出截尺餘長兩頭用火微微烙過於肥土中掘坑每坑相去一丈方深二尺用熟糞和土拌勻斜插四五枝生芽向上下半節覆土三四指厚土太厚則不生用腳踏實下半節不實雖苗長尺餘倘被風搖則根不行而死上半節用土鬆覆勿使節現於外則芽生壯大上面厚蓋

絲草長保潤氣燥則淋水以水氣透爲止俟芽長數寸澆

以水糞蓋糞土一遍待高尺餘又澆水糞蓋糞土一遍只

要三伏日澆

太乾則根不行太溼則皮遂腐陰桑條在土中先生芽後生

宜晝蓋得法無不活者俟其既活須剪除旁芽只留正枝

正枝又須揭去旁芽只留正尖至秋可淋盡糞本年卽長

數尺至明春視各條所向攀至地

如條未長數尺須隔一年攀壓依條所

向開溝寬深各四五寸剪去梢頭三四寸倒臥溝內用鈎

槓釘住

條短用二箇條長用三箇

臥條須懸空不令著土

著土則日蒸土熱其苗必

槁卽不槁而生芽亦不舒長

俟臥條生芽向上如細耙齒狀離四五寸

留一芽其餘剝去飼蠶四五月天晴巳午時取泥和水攪

勻曬熱壅臥條成壅

或牛糞和溼泥至午曬熱用蓋甚妙

以後視土燥溼酌

澆

正午澆臥條早夜澆本根

則臥條自生根鬚澆以糞至秋芽皆成條

近本處發條仍令滋長來春輕輕鋤起臥條節節截斷

如拐

子移栽他處又將近本枝條復如前法攀壓一坑約數條

每條約數苗十坑即可得苗數百條況移栽之桑又可攀

壓愈壓則苗愈多苗多則移栽無窮何患美種之難得哉

接桑

桑以接換爲妙無論美惡一經接換二氣交通美者愈美

惡者亦變而爲美其利有不可勝言者矣

接桑飼蠶一可用當數株之用

且絲多而柔和又有光潤之色但

不宜飼初蠶須於太眠後用之其時以驚蟄後見桑眼

回青即可接，然必須天氣老晴，長得陽和之氣，肌膚交融，津液流通，乃易生活。若甫接而遇驟寒驟雨，則活者寡矣。又接時必待月暗，自下弦至上弦皆宜，晦日尤妙。自上弦至下弦皆忌，望日尤險。何日上弦，何日下弦，看時憲書便知。蓋地氣隨月而盛，當地氣盛時，生機全在枝葉，移則傷其性，接則傷其氣也。

劈接

樹本用細齒鋸，粗則損皮肉。截樹小宜低截，高則地氣不應；樹大宜高截，低則地氣太旺。再以利刀削平砧盤之頂，再以刀口按定中心，用斧擊刀背一下，劈為兩半，拔去刀，以木

釘從心中插入其縫自開將接頭取魯桑當年所發向陽新條氣旺者用之陰嫩

者不用又桑條上半空下半實須擇其實者用之剪下截下接頭置筐中以無油汗溼帕覆之無令見風日

用薄口鋒利刀鈍則損兩面各削一下勿削桑眼之方形

如烏鴉觜烏觜尖處最怕皮離骨離則難活宜再削長短須與劈縫一樣不可過長

亦不可過短插入縫內拔去木釘細看接頭與劈縫是否緊密

如不緊密拔出另削總以緊密爲度務要皮對皮肉對肉骨對骨與樹身一般

無痕跡爲妙又砧盤皮厚接頭皮薄須嵌進一絲則皮與骨肉各相對矣此又不可不知也外包綿紙

三四層桑皮構皮棘麻櫻葉皆可用纏縛牢固鬆則皮肉離脫津液

不凝不能活矣然亦不可太緊緊則皮肉受傷津液不通

亦不能活纏畢以牛糞和田泥搓融包固再以潤土壅封

四圍。否則風寒雨溼，入而害之。砧盤在樹身在樹枝者，略用竹箬包好，內盛潤土，或蓆片無底瓦盆亦可。露梢頭二三眼，護以荊棘，免人畜觸動。如數日土乾，周圍灑水少許，勿使浸入接頭。見接頭發芽，必刪除砧盤之芽，使生氣盡歸接頭。及接頭抽條，又掐去接頭旁芽，使旺氣盡歸正尖。植竹枝桑條於旁，以繩繫定，免風搖損，且可扶之使直。本年即過於原樹，此法易知易能。時人接諸菓根俱用劈法。接身接枝接，皆可用，亦最穩。樹大者截樹身為砧盤，橫直各劈一刀，如十字。接四枝，再大者截樹枝為砧盤，每枝劈一刀，各接二枝。樹小者附地截砧盤，劈一刀，接二枝。再小者撥開浮土，見絲根，平土面截砧盤，劈一刀，接一枝。只要

插包壅灌得法，斷無不活，但不可畏難苟安耳。

皮接

先削竹籤一枝

粗細比接頭一樣

一邊削平，一邊削圓，下截盡頭

處，削成馬耳尖形。

左右各削一刀，便成尖形，如馬耳矣。

不必截樹身，只用刀

將桑皮兩邊帶斜割開。

樹大宜高割，樹小宜低割，再小附地割。

如人字形，刀

口長約一寸，以竹籤插入。

籤之平面須附骨插下，籤之圓背須附肉插下，取接頭

四五寸，下截一寸，照竹籤樣，削平一面，其餘一面，本是圓

背，不必再削，盡頭處仍削馬耳形，拔出竹籤，以接頭削平

之面，向外插入，使兩邊皮上，滋水粘連。

樹之膏液皆從皮上流通，故必以接

頭之皮與本樹之皮彼此相向，乃得浹洽。若以皮貼皮，以骨貼骨，必不能活。

外貼以紙，用稻草

亦可。一莖鬆鬆紮之，牛糞田泥合勻封之，外包竹箬，盛潤。

厚矣。近人有平地截桑本，擇光潤無硃礪處，用刀帶斜割開，將刀略一擺動，則皮已離骨，用接條斜剪插入者，有連皮帶骨斜割，接條兩面，各削上圓下尖，邊厚邊薄，如刀有口背樣，用背面寬皮向外插入者，有將桑樹離土面四寸，用鋸截去三分之一，上以利刀斜削，如半心空，用竹籤插入，接頭亦削籤形插入，周歲後刮去本樹粗皮，俾脂膏流貫，易於合抱，又一年乃於接口上全伐桑本者，有將大桑廢桑靠地截作砧盤，如前法插接者，有不用竹籤插而於砧旁開小孔，剔去孔內肌肉，長一寸餘，下尖上闊，接頭下截，左右各削一刀，亦下尖上闊，嵌入孔內者，

以上各法俱要如法包裹壅護皆能有成諸書所載曰
身接曰根接曰皮接曰枝接曰鑿接曰搭接悉試之惟劈
接皮接根接身接枝接亦不外此兩法較穩其實皆接皮耳皮不相接斷
不能生皮既相接斷無不活接皮之要在肉對肉卽皮內
皮對皮其緊要在縫對縫其尤緊要在有縫而無縫蓋至
無縫接桑之能事畢矣梅可接杏桃可接李構可接桑蠟
子螺負之義也不類者尙可類況本相類者乎欲求種美
者非接不可

治地

桑種如女兒以貧賤而嫁富貴則富貴矣以富貴而嫁貧

賤則貧賤矣。種雖美而植瘠土。又不加糞培壅。則樹枯小。而葉薄少。故植桑以治地爲要。宜於山坡水際勢斜處。農隙開墾深厚。作小長平地。耕犁種植。立埂栽桑。乃無牛羊踐踏。較熟地植桑。尤易長成。蓋桑根柔細。新墾之地。土脈虛鬆。根易行走。故也。家園牆頭屋角徑側。農隙掘坑。每坑寬深各二三尺。鋤草渣穢泥填滿。以便栽桑。多掘多栽。不惟得絲。且宜婦人。蓋桑本箕星之氣。下映而生。箕主婦人。桑樹濃陰。婦人病少。可預卜也。道旁場圃。田畔土埂。河岸飼蠶時無大水不害桑城壕。悉於農隙掘坑種桑。不使有尺寸曠土。則遍地皆錦繡之資矣。

治泥

諺云、家不興、少心齊、桑不興、少河泥、三伏日、將河泥多擔、薄鋪曬乾、雨後鋤極細、未細、下次雨過又鋤、收堆待用、如無河泥、取田泥溝泥、塘泥、及埽地所集之渣滓泥俱可、

治糞

桑喜牛糞、以牛糞體鬆而性熱也、凡除牛糞淤積之泥、另置一堆、農隙鋤細備用、

乘時

栽桑以春分前十日爲上、各種桑眼俱將發、未發、立春、趁此時栽、乘生氣也、立冬、十月號陽月、又曰小春、春氣發、立春、春氣發、次之、芒種寒露、桑秧離土、木氣生長之月、即栽、無株

不文次之餘月雖亦可栽活。要不如待時之爲美。又栽桑必待天氣晴和。若暑月則宜晚涼。

移秧

移桑秧宜用快鋤。四圍鋤之後。鋤定底直根。凡栽桑俱要剪去定底直根。如不剪去。輕輕帶護根土。提起。如提不起。是有根未鋤。反難榮茂。斷者宜再鋤。既已提起。便要移栽。勿久停延。致使細根焦枯。若遠移。用溼草包根外。用席裹。運到卽栽。壓桑條更宜帶護根土。速栽。蓋桑活全賴有細根。倘細根焦枯。必另生細根。方長。條葉。諺云。栽樹無巧。勿令樹曉。如已乾涸。亦須如法速栽。仍還滋潤。若用水浸溼。反不能活。凡栽桑秧。宜

於尺長割去其梢、當牛羊處則不宜割、恐割而發芽、被牛羊傷損、難成故也。又移大桑、須記認南枝、勿錯原向。凡移皆然、樹小不拘。

栽桑

將所掘之坑撥開、下河泥糞泥拌勻、鋤起少半方栽、以鋤起之泥環蓋、灌水令透、提三四次、使根鬚皆順、俟半日水性定、然後下土填實。勿太緊、扶端樹身。附身土須築緊、否則風易搖動。坐漿法栽亦好、然微嫌將土結緊。地埂栽桑、宜五步一株。坑掘地內、如前法、幹斜地外、既不陰地、又便人、地中栽桑、宜肥、厚土、須丈四五尺一株。桑成、尚可耕種、倘六尺一株、桑大、則成空地、且數年根枝交錯、葉亦不茂、不如隔遠而無妨於

農不得對值宜用品字形式八十三五七九行相對則成品字形矣
如秧不直美剪去上梢只留四寸倒按燒紅鍋內用火微
微烙過栽下務令頂與地平四圍填實輕築附身土勿築
以細土鬆蓋其頂後發條葉更茂栽地桑亦如是但每坑
相去五尺一坑必栽二三株每年附地割條飼蠶獲利亦
厚然終有妨於農也

積糞

農家糞田常憂不足何能及桑惟於宅近鑿深大糞池上
蓋草蓬以遮雨露並開溝引接洗衣洗物一切穢臭水凡
禽獸羽毛骨角田土中所耘苗草俱收入池中泡濫更下

牛馬糞

糞多者下人糞更妙

用以澆桑可代水糞

澆法

糞宜陳

儲積日久便是陳糞

不宜新

恐新糞猛烈燒損桑樹

宜稀不宜稠

以水和糞

澆桑水氣所到之處即糞力所到之處

小桑秧及新栽者宜二糞八水和澆

大桑樹宜半糞半水和澆

掘開樹腳四面土方澆俟糞浸入又必用土蓋好使肥氣不走

桑不厭肥愈澆則葉愈厚大每月俱可澆春初未發葉先

首夏既采葉後二次澆糞尤爲要緊惟蠶食葉時忌澆糞

否則糞氣上行至葉蠶食之即中糞毒便壞今人忌糞池

邊桑葉飼蠶即此意也

培壅

裨農最要

卷二

十

又川明、上、下、中、下、三

未立春以前將樹腳土四圍掘開見有絲根即止先澆以糞次壅以所治河泥田泥塘泥牛糞泥加以蠶沙菜餅棉餅更好再用原土蓋好四圍做埂以便遇旱澆灌肥氣下降桑根上行本年發葉倍茂又桑下有石則礙根宜去之桑下有草則分肥且易生蟲宜鋤之

修桑

魯桑無子者只宜修條不宜砍枝

修條樹大者葉數百斤砍枝樹大者葉數十斤

不特樹大宜修即小者亦宜修魯桑秧去地三尺

古法去地一尺

雖便採葉卻防盜賊

割去其尖俟發芽只留三枝餘皆揭去俟三枝

長尺餘又割去其尖

割尖留條須在立夏以前遲則發之不茂若不取葉飼蠶臘月割更好

每枝各留二芽共六枝至來年各從尺餘處割去飼蠶俟

發嫩條每枝各留二條共十二條又來年各從尺餘處割

去飼蠶俟發嫩條每枝各留二條共二十四條地不肥桑少

留一層只十二枝亦有由二枝起至四層共十六枝者以後任其滋長每年只采葉

飼蠶不必砍條惟於臘月內臘月津液未上又農隙正月

將枯枝冗胫枝雖順生瀝水枝垂者刺身枝向裏駢指枝

相併生砍去其小者一並砍去皮上有桑耳桑苔用刀刮去若不刮去桑即

結便成高大魯桑荆桑有子者去地三尺割斷俟發嫩條

只留四枝如前法每枝各留二條次年該八枝三年該十

六枝此為地美桑茂者而言不然或由二枝起至八枝終或由三枝起至十二枝終亦可以後每年

砍條

割尖留條在立夏前伐
條取葉在立夏小滿前

皆齊老癭

砍條不則樹頭俱
可當午

如拳形有枝小者留全枝勿砍次年便長一樣有缺者旁留一二嫩枝以補之務使枝向外出桑之四圍圓如雨傘中可立一人不留中心之枝便可站人轉身運斧條葉外落較繞樹上下采有心之樹者一人可敵數人之功臘月如前法修之使條有定數葉不繁多眾葉脂膏聚於一葉其葉自厚大飼蠶壯得絲多凡修剪留枝俱要齊如拳直如矢圓勻如蓋無高下參差乃爲合法然亦不可過拘如地埂斜栽之桑幹雖斜出於外枝不無向於內其留枝須外多內少外斜內直務令土埂不礙人行則桑枝外蔭不妨稼穡有

脚柯及橫斜遠揚之枝勿砍，攀至地取燥土壓之，枝强者壓以石，一年即可移栽。

全砍

桑栽三年有芽葉不旺者，或樹老而中空者，於穀雨時以硬木貼樹身，離地留二三寸，或四五寸，全砍其樹。如不取葉臘月靠地砍以土封癢，並以肥土壅其四圍，旱則澆之，自然復之更好。茂又桑老而枯，砍之恐發不茂，則於其旁另栽一株以補之，兩三年後將已敗者砍去，而養其新者，則土不曠矣。

去水

漬水傷根，萬無生理，須培土作埂，栽於埂上，且四面開溝。

以防漬水

治蟲

蟲有生於桑樹皮內者名天水牛

又名桑牛俗名牽牛其下卵也在

小滿後必齧破樹皮而藏其卵於皮內其變蟲也在芒種

後形如蛆吮樹脂膏將近夏至漸漸鑽穴而入秋冬閒大

如蟥蟥身長足短名蟥蟥

一名蠋又名蠹

食樹心穿木如錐明年

三四月間成蛹變爲天水牛兩角如八字形

似水牛角亦有一角者

色黑背有白點緣木上下口有雙鉗其利如剪新發之條

齧之輒折治之之法須於樹之本身及大枝上流出黃水

之處剔破其皮中有卵如米粒取而碎之此蟲便絕如子

已成蟲則須尋著蟲穴

穴外必有蛙屑

用鐵絲向穴內刺死或用

鐵絲做小鉤將蟲鉤出如蟲已深入非鐵絲所能及則用

百部草汁灌之無不死者

百部藥名能殺蟲將百部草切細納小囊中用水浸爛浸時須

封固囊口勿令走氣鄰間藥店皆有此藥並非貴重難得之物或用熱桐油灌入穴內或

用爆竹藥線插入蟲穴以火燃之蟲聞桐油氣藥氣即死

或用篾絲透入菸桿中多裹菸油插入蟲穴又以葉菸塞

其穴其蟲即死更為簡便

此蟲自初一至十五其頭向上宜於十五以前清晨時以此法

治之此蟲天未明時必出穴飲露清晨或尚未歸穴即歸亦未深入易於下手失此不治則愈入愈深其樹必死

如已變為天水牛則緣樹而飛但飛騰不遠宜急撲捕

蟲有生於桑樹皮外者曰蠶蛛曰步屈曰麻蟲曰桑狗曰

白蠶皆食葉蟲也。葉雖肥大，一經蟲食，不特葉如麻布，卽

明年所發之葉，亦不能繁茂。治之之法，須用木棒橫掃桑

葉，蟲自跌落。下以布幅承聚，或篾簾蘆席皆可，將蟲打死。或用菸

油和水，菸油卽菸骨所熬之汁，百部巴豆浸汁，以椶帚蘸汁，於葉上

密灑之。樹高則以吸筒吸而噴之。蟲食其葉則死。然宜早治，遲則生子

留爲明年之害矣。又有食葉之蟲，其名曰蠨，生子必在桑

身，或在桑拳。及桑子內，子浮皮上，微高起成堆。形色與桑皮稍別

須用桑刀將子刮下，蟲自不生。謂之刮蠨，每年刮蠨三次。

立春看頭蠨，清明節前看二蠨，剪桑畢看三蠨，必須刮盡。

不可遺剩一顆。如蠨已成，則六月捉頭蠨，七月捉二蠨，頭

蠨尤宜細看、留頭蠨一、則二蠨便有百也、又有桑蠶、初生

如白屑、漸成細粒、

如蘿蔔子一半大、

吸飲桑皮之漿、皮漸槁、葉亦

漸枯、須用刮桑鈹刮之、然治之不早、樹已受傷、不如見有

白點時、即用巴豆研細、和以桐油、用椶帚蘸油掃之、則白

蟲盡死、

蟲有生於桑樹皮外、而入居皮內者、名曰齧桑、

又名

形似天水牛、淺黃色、角差短、體有白點、喜緣桑上、齧

桑樹作孔入其中、當以治蠮螬之法治之、蟲有生於樹

上、而晝伏夜動、性與他蟲迥別者、名曰蜣螂蟲、晝潛樹內、

夜出食葉、又有不生於桑樹、而食桑葉者、名曰時蟲、夏初

遇西南風、酉戌時從土中飛出食葉、至卯時復入土、蜣螂

晝潛樹上晝尙可捉時蟲晝藏土中難於尋覓須於夜間
燃火蟲見火光便紛紛投入火內但火宜遠燒因葉忌烟
薰也

桑間宜忌

桑下之土宜耕犁翻鬆種黍

黍發黍桑發黍黍發桑種豆肥美

種蔬菜芝

麻棉花紅苕花生御麥諸物

諸物皆柔潤能益桑若不茂耕種土結草生桑反不茂

種粟穀高粱

地脈乾燥至秋則桑葉先黃明年發葉澀薄十減二三

及一切有藤蔓

之物

藤蔓樹上則枝葉被其糾纏必不暢茂且易生蟲

采葉宜量樹

凡所栽所接之桑俱要樹至把大方可采葉如采葉太早

則其長倍遲、且桑未三年、謂之奄桑葉、俗呼毛葉、蠶食之招損、

萬一葉缺桑貴、大眠後亦可采飼、但不宜盡采、致傷樹本、

如采大枝葉、留小枝葉、小枝便長一樣大、或采枝中葉、留枝尖葉、枝尖亦易於抽長、

采葉有次第

桑之生葉有早遲、荆桑早、魯桑遲、又荆魯二種、各有早遲、采葉卽不可無次

第、須擇其葉之較老者先采之、而留其嫩者以俟其長、尤

不可傷其芽嘴、蓋芽嘴方長、略遲旬日、便十倍於此時、且

其味苦澀、如瓜果未熟之類、非蠶所喜食也、蠶初生食葉甚少、只

采其底瓣、底瓣者芽嘴旁邊先放之一兩葉也、其色較老、雖留之亦不甚長、二眠以後、食

葉漸多、若底瓣足以供之、則仍采底瓣、底瓣已盡、則采瞎

眠、唐眠者芽嘴只放兩三葉而其中心大眠以後食葉愈
已無未放之芽雖留之長亦不多多然尚須辨其老嫩先采老者
後采嫩者至桑已長足則可開翦矣桑有早遲則開翦亦有
又每年采底辨瞎眠樹亦易敗以先後以長足為度可也
隔一年采為妙如植桑百株今年采此五十株彼五十株
十株留至大眠後開翦眠後開翦

采葉有時刻

晝時所食之葉宜於辰刻采之黎明即起視有露無露如
將乾未乾采之夜間及明晨所食之葉宜申酉刻采之如無日可
乾采之則宜俟日落中午不宜采日色正盛熱蒸將雨宜多采
熱退方采易枯蠶食生病將雨宜多采論
何時急宜雇人多采雨過宜速采如時多雨雨過即采遲
儲之於洞以為之備雨過宜速采則恐雨又來采之不及

若已向晴則雨中宜翦條置風處令乾倘雨久而葉食畢不必多采采葉所采之葉以淨布夾之少頃即乾以淘過之白米拌之亦少頃即乾皆不若翦取長條攤去雨點置有風而雨點不到處懸之俟大眠後以溼葉拌桑麵不特可收溼氣乾摘葉較爲簡便而且有益於蠶尤爲妙法

餘桑宜采淨

凡遇桑賤蠶食有餘宜速盡行采之須在小滿芒種之間不可太遲遲則發之茂不留一葉蓋春生葉不采淨則來年桑葉不盛所采桑葉亦非棄物當置烈日曬乾不可用篾籠收貯無烟處至臘月搗細成麵俟明年蠶大眠後拌葉飼之葉缺多飼不妨一斤桑麵可敵六七斤桑葉緣夏月采者較深秋所采

精氣更完故也

桑葚可作酒

桑葚釀酒固佳。鄉人畏其繁難摘。黑葚不可搓濫。盛以布袋。擠水熬膏。俟冷定對酒。久停則變味。封固。愈久愈好。飲之甚

益人

冬桑宜廣收

桑葉經霜自落。

有未落者。將枝擺搖。亦自落淨。

廣收曬乾。搗細。

忌沾泥。

用以

飼猪。光潤易肥。較花生葉紅苕葉更好。慎勿視為無用。聽其朽濫也。

裨農最要卷二終

神農最要卷三

三臺陳開沚宛溪述

養種

育蠶必先養種。養種尤須選蠶。二眠後。或大眠後。擇蠶之
整齊強壯者。日摘枝頭茂盛葉飼之。比眾蠶多餵一二頓。
方吃完。更加小心愛護。俟老在。向陽處另搭一山。勻布其
上。天寒以火烘之。則繭可速成而堅硬。出蛾肥美。生子圓
滿。氣旺。次年出蟻必盛。譬如孕婦強健。生子亦強健。孕婦
衰弱。生子亦衰弱。以兒在母腹。先已受虧。縱使出落。時哺
養得宜。猶難望其肥壯。況哺養未得宜者乎。故養蠶之家。

不可不先養種

捉種

若未先期養種定將臨老時捉種須於蠶正老時擇中間

之最旺者

先捉則不齊末後則衰弱

辰時上簇作種不必一一分別自

然雌雄各半

簇下蔭軟劣繭亦宜選去蛾出乃壯

選繭

既未先期養種又未臨老捉蠶只宜於同日入簇之繭

同日蛾出

選近上向陽處堅硬圓潔好繭

上半截多子下半截少子一說

亦同日必取簇中者近上則剝去浮絲辨別雌雄尖而緊小者多雄圓而厚大者

多分置兩筐一一單排不宜堆積放透風涼屋勿擊撞搖

動恐蛹受震驚，雖變蛾而不甚生子，俗謂之癡蛾。

選蛾

第一日出者名苗蛾，末後出者名末蛾，皆不可用。惟第二日第三日出者可用，其中若有拳翅、禿眉、赤腹、薰黃、焦腳、焦尾、黑紋、黑身、黑頭諸病蛾，揀去勿用，只留完全肥美者，分別雌雄，以兩筐儲之，實以稻草，使蛾有立腳處，乃不致鼓翅盤旋，空費氣力。但蛾於五更前後出者居多，使人早起看守，出時即將雌雄分儲，勿令蛾在繭上配合，否則時刻久暫不均，得氣有過厚過薄之弊。

配蛾

蛾出既多，將雌雄兩筐之蛾，放在一處，聽其自相配合。

出先

者先配後一一提置空筐，緊閉門窗，勿令見風霧，觸油醋

煎炒穢惡諸臭氣，使人常視有走脫者，提出另配。配又提

入，或以小杯覆俟滿四個時候，拆去雄蛾，如卯時配午時

拆放草上，如未滿四個時候，則來年多不眠之蠶，其繭亦

薄，已過四個時辰，則來年大眠後多節高而拖白水之蠶。

上連

蠶連以裱過厚皮紙為之，或用細洋布更好，俱宜用縑絲

湯泡過，泡過則柔軟，生子不脫曬極乾，稱明分兩，平鋪箔

內，四圍散灰為堦，蛾見灰即止俟母蛾撒尿後，尿以粉紅

便不出連外及微黃為

上白色次之黑色者不堪爲種揀去勿用。勻布連上宜常檢點有走聚者立即提勻以箔蓋好使透風而不見日光。暗則多生子明則喜遊散若遇天氣炎熱太甚巳午未時將箔擡涼屋淨地至申擡架上其生子環堆者卽摘提其蛾刮去其子生子旣足令在連覆養四五日則氣更完固然後將蛾置草上俟十八日後收雌雄蛾並埋淨土免爲鷄鴨所食蠶有功於人理當如此一法帖連牆壁勻布毋蛾於連更透涼風遺尿落地不致污穢蠶連也。

記連

每日所出之蛾各置一連若有空缺卽日補滿連背記寫

日期不可將數日之蛾混在一處下子。次年下蟻將每日生子之蟻置一處飼養。分箔時切記勿混。便每箔眠一齊眠。起一齊起。肥一齊肥。老一齊老。二三眠時條條一樣大。不用人工分別大小先後。若將數日所出之蛾混在一處下子。生蟻同養。則眠起不齊。極爲患害。大約母蛾一雙下子三百餘。百母蛾下子三萬餘。明年可生蟻一兩。連重一兩者。厚紙洋布宜除去算。明年除頭尾外。可得蟻七錢。

夏浴

蟬生子十八日後。若遇天氣太熱。遇天氣晴明。日未出時。十日後卽宜浴。汲井新水浴連。孕婦產婦忌浴連。一頓飯時。浸去便溺毒氣。置通。

風處陰乾用篩篩桑柴灰於連上或篩陳石灰於連上遇
夏熱蒸蒸子不變色而出懸挂淨室中無烟處凡此連挂
無煙處值煙薰者多或不翻帖牆壁或作四方木架疎疎垂
不生子生亦多病於架中上下四圍用紙裱好勿見風日今人多置蠶種於
箱中經雨溼熱蒸寒煖不時即便罨損浙人謂之蒸布言
卵在布中已成病其苗出必黃苗黃即不堪育矣譬如嬰
兒在胎中受症出胎便病難以醫治至三伏內清晨再汲
井新水浴一次陰乾如前挂帖架垂凡連勿用麻繩繫挂
蠶連惡聞麻氣麻近蠶種後多乾死不生勿被風磨損近
反背不使風吹勿觸香臭氣近香臭則腐勿令日曬及煙
磨盪損傷其子

煤薰蒸

冬浴

十二月初八日、清晨汲井新水、浸連一二時、取出置院中、日曬月照一晝夜、使受日精月華之氣、則耐養收、懸室中、又是日以鹽滿浸連、鹽滿卽鹽化之水也對日取出、泡極濃茶、洗盡鹽氣、懸挂俟乾、又是日以石灰泡水、浸連一日、取出再浸於冷茶汁內、漂去石灰、懸挂候乾、又是日用穀草、桑柴、茄桿、燒灰淋汁、兼食鹽牛尿、米水、雪水、共合攪勻、候溫、凡浴連水不可太熱、太熱則損子、亦不可太冷、太冷則無氣、如人體溫煖斯可矣、以解其不祥也、浸連置風處吹乾、次日汲井水、或河水、洗盡灰鹽氣、宜頻頻輕沃、恐漂去

蠶子仍置風處吹乾用長竿高懸空中或挂桑樹上令霜雪

壓三五夜收挂浸鹽鹵中則利縲絲十二月十二日蠶

生日初八日未浴者蠶生日亦可浴如初八日已浴者是不必再浴矣以井水吹連令溼

次以桑柴灰撒上摺浸鹽鹵中至二十四日取出用河水

滌去灰鹽風乾又是日鹽鹵茄灰薰揉蠶子上藏穀殼

中至二十四日出之浴於川以待春至又是日用風化

石灰置盆中以開水冲之候手指可探將連對摺子在裏

面浸於盆底以手按連數周雙手擡起離水為度水中熱氣尚在

不可久浸故暫令出水以疏其氣旋又入水照樣浴之如是三次泡極濃

茶亦候手指可探時輕輕洗盡石灰以竿懸之如此則子氣機通

賜來年易生易育

正月十五日以研細硃砂調不冷不熱溫水

浴之瞭乾

以上浴連諸法皆蠶書所載始而見疑謂雞

鴨蛋之大灰鹽包裹七日而熟便可開食蠶子甚細灰鹽等物浴之詎不傷損既而思之人之目一塵不可入偶有風火食鹽揉洗暫覺不安卽用淨水洗去食鹽爽快異常乃知古法用鹽灰浴連自有深意未可以淺見寡聞測也予如法浴之歷有成效較前未浴時更盛蓋蠶火物也不浴者爲火蠶浴者爲水蠶以灰鹽牛尿等物浸之攻其毒也沃水洗盡灰鹽牛尿復其本也置霜雪風露中去其燥而平其性也浴者易育不浴者難育以氣未舒而病未除

也。且子不皆有力。借灰鹽以殺其子。之無力者。使不得出。則所出者皆有力。故出無不齊。育無不盛也。試觀野蠶生。蛩寄於光天化日之下。風雨霜露。無所不受。及至次年。以生。以長。仍然有成。此物理之顯然可見者也。略採諸書浴法。使人知連不難於浴。浴不窮於法。隨其所取。寔皆可用。但食鹽浴者。每年宜用鹽。是謂鹽種。石灰浴者。每年宜用灰。是爲淡種。鹽種繭小而絲重。勝於淡種。上山時見亮則遊山。比淡種稍覺費時。淡種繭大而絲輕。上山時見亮不甚遊山。較鹽種覺稍速耳。

發連

驚蟄蟲動之時。將乾地掃淨。尋青蒿之有氣味者十餘種。煎濃汁洒溼地面。地氣上騰。鋪連地上。使受地氣。又以葱蒜芫荽韭葉陳艾紫蘇菜花柳葉等。合煎濃汁。俟微有溫氣。洒於蛋面之上。風乾摺好。稱定分兩書簿。用布衣包數層。置溫煖處。

煖子

煖子不可太早。太早則時尙寒。蟻生受寒。桑尙未發。蟻又受飢。飢寒交迫。易致損傷。即使善爲保護。後亦多病。難成。小蠶受飢寒。又不可太遲。遲則蠶過小。滿卽少。絲作繭多。終不能成。絲又不封頭。又恐葉缺無處覓。買惟春分社日前後。見桑已發。

葉。各省氣候不同。蜀地將連對摺。用棉花包好。外用淨衣裹之。放綿絮上面朝起。則覆以所蓋之溫被。夜睡則覆以所服之煖衣。至十餘日。子變綠色。又變灰色。不日將出。若出有報頭蠶。提連拋下。另置飼養。切燈草長四五寸者數十莖。勻鋪連上。依舊摺好。以防壓損。置懷中。上半日以一面靠裏衣。下半日又以一面靠裏衣。包內亦須中層移至上下層。上下層移至中層。庶煖氣均勻。時常用手探試。總要有溫和之氣。如雞抱卵之溫和爲妙。其出乃齊。蓋子之變色。要在遲速由他。不可稍有勉強。如婦人懷胎。必時日既足。瓜熟蒂落。自然而生。易養成。人。今人煖子。不論桑葉。

發與未發定於驚蟄社日取連著懷中以速其出若數日
不出則加以火焙及其既出則以鴨鵝羽掃跌驚傷不知
凡幾種種俗弊何可勝言詎知天地生物必有自然之理
存乎其中非人力所能爲也如因留種太多恐後來過於
忙迫分作兩次生蟻亦可前一次生蟻比後一次相去十
日爲度忌熱太熱則蟻不出忌寒寒則其出必遲忌乍熱
乍寒乍熱乍寒勿置產婦孕婦不潔淨婦人身上恐穢氣
勿置做粗活路人身上做粗活路多出汗恐蒸壞蠶子勿當風開視恐乾難
出

治屋

蠶生前幾日、以牛眠過屎尿爛草、台栢葉煨火薰之、緊閉
門窗、不令煙氣走出、蠶生前一日、掃除上下四旁塵埃、有
樓屋最好、如無樓上用曬席蓋好、以蔽塵埃、天寒加火熱
氣不走、滿室皆溫、若上空則火氣上洩、不能轉下、溫氣不
勻、置牀一架、帳被整齊、蠶架蠶箔蠶褥、一一安妥、用牛糞
燒火再薰、至次日開門、令煙出盡、以便貯蟻、

待時

蟻之生也有先後、蟻生在午前、然不過三日、即當出齊、三
日出齊、同時下連、三日之內、蟻在連上、不餒葉無妨、但蟻畏冷、已前下連、
則餘寒尚在、午後下連、則煖氣已退、須於巳午時、擇無風

處下之過三日而後出者宜另飼一處

下蟻

先祀蠶神後取綿布或用灰用茅草俱可鋪箔中為蓐又採細白紙

粘蓋然後摘桑葉著懷中片刻令煖用薄口快刀刀快截葉則津

液截極細如絲下蟻時方可截旋截旋篩篩鋪紙上務令

勻薄然後以連覆葉上蟻聞葉香自然下連就葉倘覆多

時倘不下連或緣上連背翻過仍不肯下者此病蠶也併

連稱之寫定分兩此時棄之則傷物命育蠶者不宜如是

毒收之則損好蠶養蠶者亦豈如是愚惟以枝敲連背或

以羽掃連面下之另置一處飼以劣葉如鷄桑葉枯葉捲耳葉煙薰葉雜桃

桐葉近糞。飼好蠶所不用者。概與食之。成則尙收薄。輒小池等葉。蠶不成亦全此心。之仁愛。况未必無一成者。如有肥美之蠶。仍可選出。與好蠶同飼。猶之生子。肥壯者養之。瘦弱者忍棄之乎。欲收蠶利。須恤蠶命。且不費好葉。何憚不爲。

分蟻

三日出齊之後。同時下連。係指本連之蟻而言。若此連與彼連之蟻。生有先後。則下連亦有先後。第一日下連之蟻。與第二日下連之蟻。須各置一箔。切不可合并一處。若合并一處。則將來眠起不齊。費工損蠶。

稱連

煖子時稱連分兩、下蟻時又稱空連分兩、除去空連若干、便知得蟻若干、每蟻一兩、初生至作繭、約食葉一千五六百斤、即預備葉一千五六百斤、蟻旺者尚不足、蟻不旺者則有餘、所以他省有二眠大眠稱蠶計葉之法、宜隨時視蠶盛衰酌葉多寡、不可拘泥、今人養蠶、既不知量葉下蟻、又不知稱蟻備葉、不是蠶少葉多、便是蠶多葉少、甚有下蟻時一味貪多、後來葉不接繼、則典質買鬻、無所不至、苦於蠶受饑餓、狼藉傷壞、枉損物命多矣、豈不惜哉、光緒癸巳夏四月桑貴、每斤百錢、邑人某因無力覓葉、不忍視眾蠶飢死、有自縊死者、有自溺死者、聞之不禁惻然淚下、又邑人某因桑貴難覓、將蠶傾籠內逼死、後數日、又或桑葉有宅被火焚、人皆謂戕蠶之報、謹並識此為戒、餘而人力不足、房屋不廣、器具不多、則亦未便多養、此蠶

事緊要關頭也。不可不知。

收連

蠶連不可輕棄。蠶上簇時。如有雷聲。以此覆之。可免驚傷之患。

停蟻

蟻之初生。如兒之初生。最畏風寒。喜溫煖。宜置牀帳內。緊閉門窗。勿令通風。天氣晴和。晝移架上。早夜置牀上。進牛糞。無煙火。蠶宜火養之。但畏煙薰。風雨更添火。晴卽減火。溫和便去火。以天時之寒煖。爲火益之進退。不可使蠶受寒。受寒卽中寒症。亦不可使蠶受熱。受熱卽中熱症。總之天時之寒

煖不一而蠶之溫煖則一也斯得養蠶之道矣

飼蟻

蠶書有第一日飼三十六頓第二日飼卅頓以後按日遞減六頓又有第一日飼一頓第二日飼二頓以後按日遞增一頓二說有太過不及之弊予酌其中新蟻下連每時飼一頓如午初下蟻午未申酉戌各飼一頓篩葉要薄而勻惟戌時一頓稍厚此後倣蓋蟻初下連只食葉之津液如小兒下地飲乳不久卽飢飢便思食養之之法桑宜宿澆不宿澆則葉宜現摘不現摘則刀宜快刀不快則切宜細津液少篩葉宜薄宜勻不勻則飢飽不一不薄則蟻未切不細則篩葉宜薄宜勻食徧津液已乾下蟻第一二三

日尤宜
極薄

又須旋摘旋切旋篩，以津液易乾，不宜久停也。遇天氣晴和多

飼一二頓，如遇陰寒，蟻不甚食，少飼一二頓，須用綿被將

籠器四面包裹，蟻得煖氣，便思食矣。倘甚寒，再用牛糞無

煙火盆置屋四角，

不可近蠶器，恐傷火受症。使微有溫氣，斯可矣。第二

日飼六七頓，

凡言頓數不必過拘，天熱可加，天寒可損。第三日飼二三頓，至已

午時，用蠶篋子輕輕撥開，又飼三四頓，第四日飼三頓，至

午一頓稍厚，俟蟻上葉，用蠶篋子帶葉輕輕夾起，分布他

器，器內先鋪蓍草，後用綿紙蓋好，務要勻薄，再飼三頓。

初

體去桑渣，謂之香體，須烘曬。第五日飼六七頓，較前稍厚，

第六日飼三四頓，如前法體刮，體刮以後，摘最旺葉頻飼。

以督其眠。七日眠四蠶在第六日，第七日，第十眠蠶在第八日，第九日，第十眠蠶在飼之宜。

薄宜頻視蠶頭帶綠色，尾帶淡紅色，俗謂之見紅綠，身肥

皮緊，色白而亮。由青轉白亮，在已變白之前，趁此將眠未眠之

時，急須體刮一次。黃光一見，蠶即熟眠，熟眠不可體刮之，驚動若加體刮，恐不堪其擾也。

後宜頻飼薄飼以齊其眠，必然沸絲。俗謂之沸絲，沸絲之

後就要打裝。打裝則仰面向上，身蓋蠶色善變，初起色灰，

繼變為青光，又變為白光，漸漸發亮，一日夜即變黃光，當

白光發亮之時，即將眠打裝之時，不過一二箇時辰，必定

沸絲，宜趁白光發亮，將沸絲尚未沸絲之際，速速體刮一

番，若黃光一見，即打眠，裝體刮已屬無及，且蠶眠將起時

全賴此絲扯住腳跟方能脫去蠶殼打裝之時絲已沸盡至此始行體刮必將眠腳扯斷將來起娘之殼必難脫出此至要關頭也不可不知此時宜極煖宜微明忌風忌穢比平時更要謹防

熟眠

熟眠之時從下連後算起至第七日或第八日或第九日或第十日如應眠不眠必過期方眠是飼的頓數少或天寒未是以火溫蠶室便要少許多絲切不可大意後倣此是頭眠時候從沸絲算起一晝夜方能箇箇成眠蠶不眠則殼不脫身熟眠之狀色微黃頭向上身子不動謂之打眠裝蜋縮入不食謂之結蜋蜋縮之後旋又徐徐吐出謂之吐蜋

直至觜上隱隱有一點尖角紫蔭方纔吐全謂之眠娘此

時宜暗宜溫暖暖則一日一夜可脫殼寒則一日半或二日方能脫殼宜避風尤忌西北風西

北風一吹便吐觜不出宜避穢不可餵葉不可驚動蠶器蠶方吐觜動則觜又

縮入要再吐便不容易篩糠灰於蠶身之上或用陳石灰篩於蠶身之上說頭眠二眠不

必篩石灰惟大眠可篩石灰若遇陰雨頭二眠亦可篩石灰但

篩石灰宜在方眠之時見有新起者切不可篩石灰恐傷嫩皮以收潮溼則眠快而無疾如此則眠娘易於脫殼置之靜室以

俟其起每眠脫殼盡起再篩糠灰於蠶上

眠未齊

易器之法未眠之蠶與已眠之蠶不宜併在一處先一日眠者必先一日起後一日眠者必後一日起若強勉合併

則一器之內、有已眠者、有未眠者、覆壓擾亂、甚不相宜、必須篩糠灰於蠶上、布桑葉於灰上、俟未眠者脫灰而出、便可移置他器、飼葉宜勤、勿偷懶、餵至數次、則眠矣、昔人所指此時而言、即眠定仍篩糠灰於蠶上、以俟其起、有青頭蠶、以督其眠、即眠定仍篩糠灰於蠶上、以俟其起、有青頭蠶、易器餵葉之後、仍不能眠、俗謂之青頭蠶、養之無益、揀出另置一處、以劣葉飼之、蠶雖好、亦不能絕無青頭者、

頭眠初起

眠起之時、自下連後、算至第八日、或第九日、十眠蠶當在第十日、或第十一日、眠者即脫殼而起、以眠後計算、大約一晝夜多即起、眠起之狀、眠娘色微黃、嘴微闊、衣已盡褪、則起矣、俗謂起娘、皮衣

也眠一次、則嘴闊一次、蓋其宜微明微煖、禁止煎炒、起娘一見
衣其嘴、皆於眠時潛換也。
竈上卽須禁止煎炒、因油腥之氣、吹入簾室、起娘嗅此氣、則登時生病也、不必急於餵葉、因其
嫩也、且恐有嘴已闊、而衣未盡脫者、若食、必待箇箇起齊、
葉太早、則腹大而未脫之衣、脫不下矣、
方可餵葉、

頭眠起齊

餵葉之法、箇箇起齊、灰下無一眠者、起者必脫、再看桑渣

桑屎之上、有絲布滿、則起娘嘴老、便可餵葉、先於室中燒

香體一撮、蠶聞此香、便卽思食、此是醒胃之法、香體卽育、

之初、次桑渣也、留第一頓布葉、宜薄而勻、眠時器內篩有、

之正爲此時之用、
乾燥、所布之葉、易枯、枯則蠶不能食、故布
葉宜薄而勻、又眠起布葉、勿擲、擲則蠶驚、俟食去三分之

二、卽再布一次，比第一頓更薄。凡蠶眠初起，與食不可太多，多則傷食，病死。故飼蠶
逐日頓數宜第三頓如第一頓，第二、三日飼四五頓。以後
記清後做此大葉宜第四、五日飼六七頓。頭眠起齊之後，二眠之前，中
漸厚設有小病，到老必無收成。第一不可第六日飼之，宜薄。宜
受飢夜間切勿貪睡，子刻宜飼一次頻古語蠶催三眠，謂三眠俱有催時，非謂至三眠而始催。
也。頭二眠催者，催其眠也。易器之法，隔一日體一次，蠶眠
三眠後催者，催其老也。食葉漸多，桑渣蠶屎較前易厚，如天氣寒，隔兩日亦可。

二眠

頭眠起後，越七日卽是二眠時候，亦有因天氣煖和，飼葉
勤勻，越六日便要二眠者。十眠蠶惟頭眠與大眠後老，比
七眠蠶各多兩日，二眠大眠與

七眠相似、四眠蠶、頭眠起後、越四日卽要二眠、如天煖飼勤、越三日卽要二眠、其體刮催眠、保護眠狀、俱與頭眠同、俟其眠定、篩糠灰於蠶上、以俟其起、眠未齊、篩灰後、以整葉剪數下布之、未眠者脫灰而出、有在葉下食葉者、不過遲眠數刻、只須餵葉以俟其眠、不必移置他器、有在葉上食葉者、以手輕輕帶葉提置他器、仍頻飼以督其眠、及至眠定、仍篩糠灰於蠶上、以收溼氣、而俟其起、此時有青頭蠶、蠶色甚青、皮上如有油、不食葉、而在葉上掉頭不住、似有所苦者、此終不能眠、眠亦無用之蠶、急宜選出、另飼劣葉、

二眠起齊

必待箇箇起齊。方可餵葉。餵葉之法。加葉次第。催眠時候。俱與頭眠起齊同。蠶至此食葉漸多。布葉亦漸厚。是時不可使蠶受飢。蠶在二眠內。擡起頭來就餵也。夜間亦必看餵。尤須斟酌寒煖。進退火盆。禁忌一切臭穢。時時留心保護。此數日內。若有些小受病。遂爲後日之累。不可不知。體刮之法。天氣煖。則一日體一次。天氣寒。則隔一日體一次。所易之器。紙下不必如前襯灰。

大眠

將眠之時。二眠起後。越七日。卽是大眠時候。四眠蠶。二眠起後。越三四日。三眠起後。越三四日。方大眠。頭眠以前。大眠後。與七眠蠶相近。惟中間較七眠蠶多一三眠。眠以

時日計之亦催眠保護眠狀俱與頭二眠同但頭二眠嘴大略相近上隱隱有尖角大眠嘴上明明有尖角用羅篩篩陳石灰於蠶上以收溼氣或再截稻草半寸長如餵馬之草料相似覆於蠶身以不見度以俟其起如天氣溫和不用草覆亦可蠶眠未齊蠶上不必篩糠灰只用整張大葉勻鋪其上以葉之光面向上其已眠者伏葉下不動未眠者必上葉就食接連鋪葉數次葉上特多即再鋪葉不必俟其食盡未眠者與已眠者已隱隱隔數層桑葉將葉捲起則未眠者盡在葉間隨即鋪他器中仍餵整張大葉以督其眠至眠定仍以灰草覆蠶上以俟其起

大眠起

大眠一晝夜，蠶必脫草灰而起。倘遇天氣寒冷，則其起較遲，甚有遲至兩三日者。只宜靜候，不可促之以火。大眠起齊後宜涼，若纔眠遇天氣太冷，宜稍以火微溫，使易於起，但不可太熱而促之，使起致後來成熱病也。至蠶起七八分，便須餵葉。若俟箇箇起齊，嘴老，餵葉則臨期一時齊老，必至捉蠶不及也。第一日薄餵三次，頭頓布葉宜露白，二頓比頭頓稍薄，三頓如頭頓。

第一日食如不減，則蠶至老食慢。亦宜露白，眠起一二日有亂遊及食畢

卽昂頭者，是爲懶蠶。又有通體青白，其頭獨亮者，是亮頭。

蠶日後俱不能作繭，宜揀出另飼劣葉。第二日早飼一頓。

至辰巳之間，覆蠶網於蠶上，以臘月所藏綠豆粉拌桑葉。

餵一次，可解熱毒。先以盤盛葉，用新水灑拌，後用細羅且篩，篩綠豆粉於葉上，拌令極勻，布飼。且

絲堅韌有色，易於抽縲。間飼純葉一頓，又用臘月所藏熟

米粉拌桑葉餵之。此時方擡網，後飼純葉數頓。第三日辰

巳時，以臘月所製桑葉麪拌桑葉內，如前灑水篩拌。比豆粉米粉

更好。如大眠後葉少，間飼四五頓。食畢，又取新汲水噴葉。

令微溼，如細雨之狀。噴時用再飼一頓，不用拌麪了。蓋已

取其陽不離陰，水火成功之意也。但飼水葉時，須第四日

天氣晴明，若陰雨不宜。俟次日晴明，再如法飼之。專以純葉飼之。蠶至此時，食葉愈多，布葉宜愈勤。俗云小

指此前三日言也。大食，正面反面皆不可拘。溼葉露葉霧

三日指此後三日言也。葉水氣葉黃沙等葉，皆可不忌。惟桑甚染烏，葉宜選去，否

則蠶食中毒身烏而死。務要晝夜換人輪飼，食畢卽布，露白卽補，不論頓數，使蠶

無住口、要緊全在此三四日、飼得頓數多者、早老得絲多、

飼得頓數少者、遲老得絲少、此時多飼一口、葉則俗云催

老蠶、謂蠶必待催、乃易老也、大約蠶自下連至二十五六

十日老者為中、減絲二分、三十日以後老者為下、減絲四分、十眠蠶加四日算、易器之法、莫妙

於用蠶網、大眠起後、食葉愈多、桑渣蠶屎、較前更易厚、不

尚嫩、未可挫動、早體則挫動、蠶腳日後絲縷不純、惟以蠶

網體之、既可免鬱蒸之患、又不挫動蠶腳、且簡便省力、

如無蠶網、切勿早體、遇天煖則於起齊後二日體之、遇天

寒、則於起齊後三日體之、三日之後、須每日體一次、因蠶

老、挫動無妨也、頭二眠宜煖、四眠蠶三眠亦宜煖、大眠起齊後宜涼、須捲

起窗外簾薦、開窗下風寶、並剪開窗紙、蠶驟見風日、則驚

而生、病須以漸為

之惟雷電交作則宜密閉窗門毋令電光射入或西北風起或夜氣太冷須放下門窗簾薦若遇天氣暴熱則門外置甕貯以清水并灑水於門外地上使透涼氣天氣平和則不必白水蠶起齊後兩三日見有蠶身獨短其節高聳不食葉而常在葉上往來腳下有白水者宜卽棄之勿使沾染好蠶沾染好蠶好蠶亦壞

老蠶

身肥嘴小色微紅黃如糙米色一般取向明處照之絲喉漸亮身漸軟爲老娘蠶色暗將老則喉間先亮蠶身硬將老則漸軟再薄飼如人多食傷數次俗名上馬桑便通身明亮通身柔軟中有一絲跳動

且遊走不食。蠶性聚而不散，守而不走。前此有遊走者，是病蠶也。宜去之。至今食足，絲成，尋簇作繭，如
有遊走者，是老蠶也。宜揀之。是欲作繭，宜急上山，宜微煖，如人老，不耐寒。

捉老蠶

見箔內有老蠶，卽以整張桑葉鋪之。未老者食葉如常，已老者必起至葉上昂頭。若有所求，卽可於葉上一一取之。至老者太多，捉之不勝，捉則以柳枝數十條，勻排葉上，使老蠶上柳枝，以二人執包袱之四角，而凹其中，一人提柳枝於包袱凹中搖擺，則蠶下如雨矣。隨卽以擺盡之枝，移鋪他處，以遍爲度。所捉所提之蠶，不可久盛盤內，須速勻布山上，避風避日。蠶初上山二三日，宜避風日。

簇屋宜明通

屋要有窗透亮。若上有天樓，須先揭去二三塊，否則閉氣。日後纜絲恐不爽利，俗謂之悶頭繭。地宜乾燥，有地樓者更好。如無地樓，必用板凳架樹條，或竹竿上鋪曬席篾簾，不令有隙，恐簾墜地，沾泥受冷，即不作繭。然後加簇於上。

紫山宜鬆散平穩

鐵掃帚、菜子桿、棉花桿，俱要繩束中間，分開兩頭，層層排立，一一交錯。竹枝則宜於枝節處多加稻草把子，或鋪苕藤，蓋苕藤甚軟，必兼枝杈作骨，方無回潤塌下之弊。稻草須先拴成把子，截齊兩頭，分開排立架上。凡簇空處，及四

圍缺處俱須散亂稻草以承墜蠶總要鬆散通風切忌緊密閉氣

布蠶要勻

上山之蠶不宜太密太密則溼熱薰蒸俗名燒窩不便繰絲又多兩蠶合結一繭俗名雙頭繭頭緒淆混難繰甚至積壓薰蒸蠶死繭朽不特不能繰絲併不能抽線做綿最宜謹慎

上山宜及時

蠶老則通身明亮若頭有二三刻未亮者是老氣未至且緩捉須留一刻半刻及時者宜速捉不可稍緩蓋未老上

山則失之太早。太早則上山一兩日始既老不上山則失其繭謂之停山絲亦少。之太遲。太遲則繭在盤內吐絲上山作繭必薄。齊卽止。如上一處倘今日上齊之處下明日再上一處夜又另上尋枝吐絲成筐遇蠶攪擾打動多棄而他走或將繭壓扁而不圓潤。

山上加山

上山一兩日後有未得結繭之處而在山上昂頭向上者以竹枝柳條勻插山上卽便結繭俗謂之青山然必俟成窩已過十分之九乃可用此法。用之太早則未成窩者無不擠上青山矣。

戒驚駭

蠶將成窠時不宜搖動蠶山架子。若一搖動則蠶口一縮如受驚狀往往棄將成

之繭而另結一窠、大夜間看火、勿令燈光上射、須戴笠而約三日內、切勿搖動、緣蠶見燈光則頭昂、頭昂則進或遮以扇、絲斷、日後縑絲添些疵累也

定暗明

蠶老上山、先成窠、後結繭、繭在窠內、未成窠以前、宜暗不宜明、須將門窗關閉、既成窠以後、宜明不宜暗、須將門窗打開、令滿屋通風透亮、

置火盆

蠶老上山、遇天氣寒冷、定宜用火、若不用火、約四五日方能成繭、間有畏寒、懶作繭、即作繭亦薄、謂之冷蠶絲、用火者、約兩晝夜、即可成繭、謂之熱蠶絲、用火則蠶山燥爽、吐絲自然快利、冷蠶絲縑時易

斷不如熱蠶絲之省力用火之法緊閉門窗不使外寒侵入內熱走散以無煙炭火盆置屋中頻頻移動務令滿室溫暖不可過大過小亦不可忽大忽小覺處處溫暖勻和便是恰好之候俗謂關火門一撮引蠶吐絲亦可上山第一日最為要緊第二日火力稍微亦可蠶吐之絲置水土中歷久不敗若在蠶腹未經吐出即化而為水故天寒定宜用火方能吐盡腹中絲結繭圓硬不用火者反是但火性最烈太火既恐傷蠶又恐引燃蠶山里人某因熱蠶焚宅故用火必須使細心人晝夜時時檢點若天氣溫暖不用火亦可

晾棚

熱蠶絲兩晝夜後繭已做成聽之無聲即將火盆除去並將蠶山扯鬆通氣俗謂之晾棚又謂之翻窠

摘繭

摘繭不宜過遲，冷蠶絲上山後六七日可摘繭，熱蠶絲上山後四五日可摘繭。是先將繭摘數箇，搖之聽是婦聲，更是可摘之候。如簇內有黑腐之繭，即先去其黑者。俗呼為血繭。然後將好繭摘下。繭黑者破皮，流黑赤水，必汚及他繭，故先去之。摘時手宜輕，不宜重。下手太重，則圓者斃，匾矣。

別繭

繭以堅實為佳，然絲有粗細之分，堅實而瑩白者，絲細堅實而晦色青葱者，絲粗，須分儲兩處。至若綿繭，蠶些角受傷，吐絲遲緩，其繭軟，陰繭，內漬，而映頭繭，已成繭，而不化，婦斃，頭繭，草而鬆，漬，淫。凹繭，緊靠草把上，做繭，繭上定有紫色印痕。尿緒繭，蠶尿沾染，成黃癢。蛆鑽繭，蠶身集

蛆生腹上成繭穿頭繭山下用火太旺吐絲未及凹赤繭後穿穴而出薄緒纏身同功繭兩三蠶共作一繭俗呼大頭繭皆繭之劣者摘繭時遇有此等繭另儲一處選差可者抽粗絲作線不可與好繭同縲若與好繭同縲不惟好者變而為醜且起泡當車斷頭反將好絲扯去宜以清水浸之留作做綿之用

曬繭

摘繭時如遇烈日薄鋪箔上置烈日中連曬三四日每日三翻其繭以繭乾蛹枯為度

蒸繭

先用油一兩鹽五錢入釜湯內次以蒸籠二格坐釜上內

鋪繭三四指厚俟熱氣蓬勃時用手背於蒸籠下一層頻頻試探如手不禁熱即取下一層蒸籠而以上一層蒸籠坐釜上再添一層爲上層輪流蒸換不可蒸得太過太過則軟了絲頭不利於縑亦不可蒸得不及不及則蛾必鑽出更不利於縑總以蒸籠來氣手不禁熱爲恰好如蒸太多即於添水時酌添油鹽蒸好之繭傾於箔中俟冷定後方可用手抄散勿驟置烈日曝曬曬乾油氣則絲必少光瑩柔潤之色及至水氣晾乾則又不妨置烈日中曝曬以蠅枯爲度蠅乾繭始乾蓋蠅內皆水既蒸之繭繭亦帶水以水濟水繭內水浸而腐外面一層好縑裏面一層不好縑或

不上頭、或上頭卽斷、繭頭微見黑色、是其證也、故蒸繭必待天晴、所摘之繭、至未申須薄薄攤開、俟來日始蒸、如無蒸籠、以竹篩盛繭、安鍋上亦可。

炕繭

天氣晴明、自可隨蒸隨曬、若當陰雨、又不可不用火炕之法、上繭於炕、如油房炕花生形、時時翻動、務令熱氣均勻、以乾爲度、勿過焦、勿用有煙之柴、是爲至要。

收繭

籠蒸炕曬、見蛹已枯、然後薄攤箔內、置透風涼屋、一日一翻、使蛹在內換動、不沾繭也、倘經陰雨、日久亦宜出曬、久雨

則枯蛹回潮故須
暫曬以除潤氣

煮繭

水宜極清柴宜無烟鍋宜洗淨新繭以生纒爲佳蒸炕之
繭爲日過久恐絲頭乾燥不利於纒水內須入油鹽少許
不可以筷子攪勻然後下繭換水時換水太勤則黃而不
多如湯色稍渾卽傾出三
分之一以畧溫清水攪入再酌添油鹽如未蒸未炕或
蒸炕未久則不必用此法

治繭

煮繭纒絲時繭有牽連而上直至絲眼阻塞去路者此病
繭也此病由結繭時
火力過大所致少則以手擊之繭自墜落鍋內多則

不勝其煩須將繭攤在曬簞上以熱水勻噴之如細雨再

放潔淨甕內封蓋片時然後取出纈絲自然爽利又有纈

絲時絲已過眼上軸忽然極細而斷者亦病繭也此病由結繭時

火力過小所致須先以燒酒勻噴繭上不必封蓋甕內再煮而纈之便不

中斷矣

抽線

同功繭蛾口繭穿頭繭俗呼口袋繭蛆鑽等繭雖不能纈絲卻

係好絲以水煮抽線微紡可織綿綢

做綿

凡一切繭劣絲污不能抽線者以清水浸數日每日換水

兩三次擣去其污。以絞不出污水爲度用桑柴灰和煮後以清水洗淨曬乾則極淨極鬆與彈熟之綿花相似可襯衣可實被

謝蠶神

蠶事既登以香帛牲醴獻繭絲於神前率閭家禮拜以謝蠶神示不忘本也

婦女宜學繅絲

禮曰夫人蠶繅至貴者且然況鄉間婦女可不學繅絲乎繅絲之法蜀工已誠令婦女爲之諺云餒猪紡綿不如栽桑飼蠶四十五天見現錢四五月間男耕於外女繅於內車聲軋軋遠與田歌相應答比戶懽忻宛有太平氣象取天地自然之利受之者

神農最要卷三終
無媿色。享之者無他虞。雖竭力以求而無罔利之咎。上可
以質天地。幽可以對鬼神。不勞心計。不召人怨。嗚呼。天下
更有何物能與之絜長較短者哉。語云。十畝田園。五畝桑。
三公不易此風光。旨哉斯言。實獲我心。固田家之樂事。抑
農桑中自有學問在也。

神農最要卷三終

余少受知於邵實孚夫子入邑庠陳君宛溪其冠軍也相與晤談欣其純謹老成遂訂交焉宛溪故寒士不屑屑糊口業率其昆仲躬耕隴畝尤邃蠶桑之學數年來家漸豐饒余聞而羨之詢其術出一冊以示閱之見其首詳種桑繼以擇種終以飼蠶條分縷晰而又發明其理著論以冠其首約而精淺而明愚夫愚婦皆可通曉是誠治生之一助也邇來儒士生計日蹙無行者多藉刀筆以營生而拘守之人謀一館地譬若登天得君之術而用之可無別購醫貧之藥矣余夙耽蠶桑今得此書珍如拱璧因勸其付梓而綴數言於後

光緒二十三年季冬月初一日丁酉科舉人萬學先謹跋

裨農最要卷二終